

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona”, broj: 7/10), na prijedlog Ministarstva za poljoprivredu, šumarstvo i vodoprivredu, Vlada Zeničko-dobojskog kantona, na 30. sjednici, održanoj dana 22.11.2019. godine, d o n o s i

ZAKLJUČAK

I.

Prihvata se Mišljenje Ministarstva za poljoprivredu, šumarstvo i vodoprivredu po Inicijativi Jasmina Duvnjaka, poslanika u Skupštini Zeničko-dobojskog kantona, za dopunu člana 13. stav (1) i člana 17. stav (1) Zakona o šumama („Službene novine Zeničko-dobojskog kantona“, broj: 8/13 i 1/15).

II.

Zaključak sa Mišljenjem Ministarstva za poljoprivredu, šumarstvo i vodoprivredu, broj: 05-1-26-14855-2/19 od 08.11.2019. godine, upućuje se u dalju skupštinsku proceduru.

III.

Zaključak stupa na snagu danom donošenja.

PREMIJER

Mirza Ganić

Broj: 02-_____/19
Datum, 22.11.2019. godine
Z e n i c a

DOSTAVLJENO

1x Ministarstvo za poljoprivredu, šumarstvo i vodoprivredu,
1x Stručna služba Skupštine,
1x a/a.



Broj: 05-1-26-14855-2/19
Zenica, 08.11.2019. godine

Vlada Zeničko-dobojskog kantona, u prilogu akta broj: 02-1-02-14855-1/19 od 08.10.2019. godine, ovom Ministarstvu je dostavila akt Stručne službe Skupštine Zeničko-dobojskog kantona broj: 01-02-14855/19 od 03.10.2019. godine, sa Inicijativom za dopunu Zakona o šumama („Službene novine Zeničko-dobojskog kantona“, broj: 8/13 i 1/15), Jasmina Duvnjaka, poslanika u Skupštini Zeničko-dobojskog kantona, pokrenutom na 14. sjednici Skupštine Zeničko-dobojskog kantona održanoj 30.09.2019. godine, Ministarstvo za poljoprivredu, šumarstvo i vodoprivredu daje sljedeće:

MIŠLJENJE

Naime, predmetnom Inicijativom predlaže se dopuna člana 13. stav (1) Zakona o šumama („Službene novine Zeničko-dobojskog kantona, broj: 8/13 i 1/15), tako da se iza riječi pravna lica dodaju riječi „i fizička lica“, s obzirom na činjenicu da postoji sve veća potreba za izvođačima radova u šumarstvu zbog općepoznate činjenice o povećanom obimu sanitarne sječe koja se mora u što kraćem roku izvršiti, a koja je posljedica elementarnih nepogoda u proteklim godinama koje su uzrokovale pojavu sušenja i oboljevanja stabala u šumi. Javno preduzeće „Šumsko-privredno društvo Zeničko-dobojskog kantona“ d.o.o. Zavidovići s jedne strane nema dovoljno radne snage i mehanizacije da bi pristupilo radovima sanitarne sječe na svim površinama i na taj način krši propise iz te oblasti i plaća prekršajne kazne. Zaražena stabla i dalje ostaju u šumi i predstavljaju dodatnu opasnost za još veće štete. S druge strane poznata je i činjenica da je na tržištu sve manji broj pravnih lica koja su registrovana kao izvođači radova u šumarstvu. Inicijativa se ogleda u davanju mogućnosti fizičkim licima (obtrničkim djelatnostima) koji su registrirani u nadležnom općinskom organu za djelatnost za rad u šumarstvu da mogu obavljati djelatnosti u šumarstvu koja će posjedovati rješenje nadležnog Ministarstva.

Takođe predmetnom Inicijativom preložena je dopuna člana 17. stav (1) Zakona o šumama („Službene novine Zeničko-dobojskog kantona, broj: 8/13 i 1/15), tako da se iza riječi „premjeri“ dodaje „izuzev ako je Projektom za izvođenje radova predviđena upotreba savremene mehanizacije (žičara, forvardera i dr. hardvera), koja predviđa izvoz i korištenje i ostale bio mase (grane, iglice i sl.) gdje bi se obilježavanje šumskim čekićem, obrojčavanje i premjeravanje vršilo na šumskom stovarištu“. Predmetnom izmjenom navedenog člana omogućilo bi se na što lakši i pravilan način uspostavljanje i održavanje šumskog reda, kao i bolja produktivnost i iskoristivost bio mase u radu sa žičarom, forvarderom i drugim hardverima, kojim bi se omogućio izvoz dijelova stabala sa granama koje bi se odstranile na kamionskom putu i prerađene u sječku što bi dovelo do povećanja iskorištenosti bio mase (drvene mase)“.

Ministarstvo za poljoprivredu, šumarstvo i vodoprivredu podržava predloženu inicijativu za dopunu Zakona o šumama.

Također, prilikom imeplemenacije Zakona o šumama („Službene novine Zeničko-dobojskog kantona“, broj: 8/13 i 1/15) ustanovljeno je da je i druge pojedine odredbe članova predmetnog

Zakona potrebno doraditi, te je ovo Ministarstvo stava da se pristupi izmjenama i dopunama Zakona o šumama.